

Nunatsinni Nakorsaaneqarfik

Angajoqqaanut paasissutissiissut

Kuppiararnek

Kuppiarartoqarsimammat angajoqqaatut nappaatip tuniluussinnaaneranut annikillisitseqataasinnaavutit. Ilitsersuut atuaruk meeqqallu kuppiararnermut ersiuteqarpat sulisut tamatumingga ilisimatikkit.

Meeqqat nappaataat tappiorannartumik virus-imik patsiseqartoq amqip pullaqisuninneranik ersiuteqarpoq. Avinneq (helvedesild) tappiorannartumik tamatumingga aamma patsiseqarpoq.

Tunillatsinneq

Assaat atortulluunniit qisermik pullaqisulluunniit seerinerinit (avinnermik nappaateqarnermissaaq) mingutsinneqarsimasut aqqutigalugit imal. quersornikkut tangajornikkulluunniit serpalinnernik silaannarmiittunik najuussinikkut nappaat tunillaattarpoq. Nappaat tuniluutiasuuvoq. Qalippernerit panertut tunillannangillat. Tunillaasinnaaffik: Tunillatsissimasinnaanermiit ullut arfineq marluk qaangiunnerini imal. aniornininnissaq ullunik pingasunik sioqqullugu aniornininnerup kingorna ullut tallimat qaangiunnissaasa tungaanut imal. ulluni marlunni pullaqisunik nutaanik takkutuerrunnissaanut kuppiaqqallu tamarmik panernissaasa tungaanut.

Pitsaaliuineq

Assaat aqqutigalugit tunillaasarneq eqqiluisaarluanikkut annikillisinneqarsinnaavoq. Meeqqap assaasa asattarnissaat kuminnikkullu qitsunnerit bakterissanik patsiseqartumik aseruuttoorfiusinnaanerat pitsaaliorniarlugu kukiisa killortarnissaat pingaaruteqarpoq. Meeqqat amerluutaat tuniluuttoq nappaammut kingunerluutaagajuttuuvoq, tarnulli zink-imik akulik (zinkliniment) atorlugu pullaqinerit panertinnerisigut ungillinerup annikillisinneragut killilersimaarneqarsinnaavoq

Nappaammut ersiutit

Tunillatsinnermiit napparsimalernissap tungaanut sivissusaa: Sap. ak. 2-3. Nappaat inuummarliornermik kissarneqalaarnermillu aallarniuteqarsinnaavoq aniorneqalernerli nappaammut ersiutit siullersarigajuttarpat. Aniornerit timimi kassermiluunniit aallartillutik kiinnamut annikinnerusumillu avatinut siaruartarput. Siullermik toornertut ittut aappalaartut saqqummarsarput, taakku qaammarissunik imalinnik-qaangikkunik qalipperlutik parnuttartunik- pullaqineqalersarput. Ulluni siullerni sisamaniit tallimani nutaanik pullaqineqalersarpoq nappaallu sap. ak. ataatsip ingerlanerani qaangerneqartarpoq qalippernerilli sivisuumik atasinnaasarput. Kuppiaqqat annertuumik ungillertarput kuminnermilu qitsunnerit aseruuttoorsinnaasarlutik.

Nakorsartinneq

Nalinginnaasumik nappaat nakorsarneqarsinnaasannilaq. Ungillinerermi tarnut pisiniarfimmi pisiassaq zink-imik akulik (zinkliniment) atorneqarsinnaavoq.

Nunatsinni Nakorsaaneqarfik

Taama nappaateqartoqartillugu maleruagassat

Naartusut kuppiararsimangitsorisut peqqinnissaqarfimmut saaffiginnissapput.

Kingunerluutaasinnaasut

Inuit nappaatinut akiuussinnaasusaat annikillisimasut soorlu HIV-mik tunillatsissimasut, aammikkut kræfteqartut immaqalu nappaatinut akiuussinnaassutsimik annikillisitsisunik nakorsaatitortut peruluutigisinnaavaat.

Tappiorannartoq kuppeeralersitsisartoq nappaat qaangiutereersoq timimiiginnartarpoq kingusinnerusukkullu avinnermik nappaateqalernermit (helvedsild) patsisaasinnaasarluni. Nappaat taanna inersimasunit nappaatigineqalerajunneruvoq ammillu ilaani annernartunik pullaqisoqalerneranik ersiuteqarluni. Pullaqinerit taakku takkunneriniit sap. ak. ataatsip ingerlanerani seerisuini tappiorannartoq virus kuppiararsimangitsunik tunillaasinnaavoq. Sivisuumik anniaataasinnaavoq. Avinneq (helvedesild) meeqqanit aamma nappaatigineqarsinnaavoq. Inuit annikitsumik nappaatinut akiuussinnaassusillit annertuumik eqqorneqarsinnaasut (generaliseret Herpes Zoster) ilaatigut tappiorannartunut virus-inut nakorsaatitortinneqartarput.

Meeqquerivimmukaqqinnissaq

Kuppiaqqat qalipaata panerpata nappaat tuniluussinnaajunnaassaaq.